

II

Iznos naknade članovima komisije koji se imenuju za usluge koje realizuje Ministarstvo u skladu sa Zakonom o javnim skijalištima ("Službene novine Kantona Sarajevo", broj 54/12) utvrđuje se u neto iznosu kako slijedi:

- 1) Polaganje ispita za redara za predmet: "Poznavanje ovlaštenja i dužnosti redara na skijalištu" predsjednik komisije - 35,00 KM po kandidatu, član komisije - 30,00 KM po kandidatu, sekretar komisije - 15,00 KM po kandidatu.
- 2) "Poznavanje skijanja" predsjednik komisije - 35,00 KM po kandidatu, član komisije - 30,00 KM po kandidatu, sekretar komisije - 15,00 KM po kandidatu.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-725-10/22
13. januara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", 36/14 - Novi prečišćeni tekst i 37/14 - Ispravka), Vlada Kantona Sarajevo, na 59. sjednici održanoj 13.01.2022. godine, donijela je

ODLUKU

O VISINI SREDSTAVA ZA REALIZACIJU USLUGA
MINISTARSTVA PRIVREDE KANTONA SARAJEVO

I

Ovom odlukom utvrđuju se iznosi sredstava koje su korisnici usluga obavezni uplatiti na Depozitni račun Budžeta Kantona Sarajevo, za usluge koje realizuje Ministarstvo privrede Kantona Sarajevo (u daljem tekstu: Ministarstvo).

II

Iznos sredstava za usluge koje realizuje Ministarstvo utvrđuje se kako slijedi:

Polaganje ispita za redara za predmet:

- 1) "Poznavanje ovlaštenja i dužnosti redara na skijalištu" 150,00 KM,
- 2) "Poznavanje skijanja" 150,00 KM.

III

Sredstva iz tačke II ove odluke uplaćuju se na Depozitni račun Budžeta Kantona Sarajevo broj 1411965320008475, sa naznakom budžetske organizacije 1801 - Ministarstvo privrede Kantona Sarajevo, vrsta prihoda 722429 - ostale kantonalne naknade.

IV

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-725-9/22
13. januara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 59. sjednici održanoj 13.01.2022. godine, donijela je

ODLUKU

O ODOBRAVANJU IZMJENE PROJEKTA SANACIJE
KROVNIH POVRŠINA, TERASE I DIJELA DVORIŠTA
CENTRALNOG OBJEKTA JU ZAVOD ZA
ZDRAVSTVENU ZAŠTITU ŽENA I MATERINSTVA
KANTONA SARAJEVO

I

Odobrava se izmjena Projekta sanacije krovnih površina, terase i dijela dvorišta centralnog objekta JU Zavod za zdravstvenu zaštitu žena i materinstva Kantona Sarajevo usvojenog od strane Vlade Kantona Sarajevo Odlukom broj 02-04-22133-3/21 od 20.05.2021. godine, koji se finansira sredstvima iz dugoročnog kreditnog zaduženja Kantona Sarajevo u 2021. godini, a prema Zahtjevu JU Zavod za zdravstvenu zaštitu žena i materinstva Kantona Sarajevo, broj 10-4094-01/21 od 24.12.2021. godine.

II

Za realizaciju ove odluke zadužuju se Ministarstvo zdravstva Kantona Sarajevo, Ministarstvo finansija Kantona Sarajevo i JU Zavod za zdravstvenu zaštitu žena i materinstva Kantona Sarajevo, svako u okviru svoje nadležnosti.

III

Ova odluka stupa na snagu danom donošenja i ista će se objaviti u "Službenim novinama Kantona Sarajevo".

Broj 02-04-725-7/22
13. januara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 59. sjednici održanoj 13.01.2022. godine, donijela je

ODLUKU

O DONOŠENJU AKCIONOG PLANA AKTIVNOSTI
POTREBNIH ZA IZVRŠENJE GENERALNIH MJERA
NALOŽENIH PRESUDOM EVROPSKOG SUDA ZA
LJUDSKA PRAVA U PREDMETU OMERBAŠIĆ I
DRUGI PROTIV BOSNE I HERCEGOVINE,
APLIKACIJA BROJ: 4359/19 I 4 DRUGA I OSTALIH
PRESUDA PREMA KANTONU SARAJEVO I
VREMENSKI OKVIR ZA NJIHUVU REALIZACIJU NA
PERIOD OD 5 GODINA

I

Donosi se Akcioni plan aktivnosti potrebnih za izvršenje generalnih mjera naloženih Presudom Evropskog suda za ljudska prava u predmetu Omerbašić i drugi protiv Bosne i Hercegovine, Aplikacija br.4359/19 i 4 druga i ostalih presuda prema Kantonu Sarajevo i vremenski okvir za njihovu realizaciju, za period od 5 godina, koji čini sastavni dio ove odluke.

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-725-8/22
13. januara 2022. godine
Sarajevo

Po ovlaštenju premijera
Ministar
Davor Čičić, s. r.

**AKCIONI PLAN
AKTIVNOSTI POTREBNIH ZA IZVRŠENJE
GENERALNIH MJERA NALOŽENIH PRESUDOM
EVROPSKOG SUDA ZA LJUDSKA PRAVA U
PREDMETU OMERBAŠIĆ I DRUGI PROTIV BOSNE I
HERCEGOVINE, APLIKACIJA BROJ: 4359/19 I 4
DRUGA I OSTALIH PRESUDA PREMA KANTONU
SARAJEVO I VREMENSKI OKVIR ZA NJIHOVU
REALIZACIJU OD 5 GODINA**

I - UVOD

Vlada Kantona Sarajevo je od Ministarstva za ljudska prava i izbjeglice-Ured zastupnika/agenta Vijeća ministara BiH pred Evropskim sudom za ljudska prava zaprimila Presudu Evropskog suda za ljudska prava u predmetu Omerbašić i drugi protiv Bosne i Hercegovine, Aplikacija broj 4359/19 i 4 druga. U predmetnoj Presudi Evropski sud za ljudska prava je, slijedom svoje prakse utvrđene u presudama Spahić i drugi protiv Bosne i Hercegovine, broj 20514/15 i 15 drugih i Kunić i drugi protiv Bosne i Hercegovine, br. 68955/12 i 15 drugih, obje od 14.11.2017. godine, utvrdio da je došlo do povrede člana 6. stav (1) Konvencije za zaštitu ljudskih prava i osnovnih sloboda (u daljem tekstu: Konvencija) i člana 1. Protokola 1 uz Konvenciju u odnosu na aplikante, čija su imena i brojevi aplikacija navedeni u tabeli koja je sastavni dio Presude.

Predmetnom Presudom Evropski sud za ljudska prava je na ime utvrđene povrede prava aplikanta tuženoj državi naložio da najkasnije u roku od tri mjeseca od dana donošenja Presude osigura izvršenje domaćih presuda na čije neizvršenje su se žalili aplikanti u predmetnim slučajevima, te da se svakom aplikantu isplati iznos po 1.000 eura na ime nematerijalne štete po aplikantu i po 250 eura na ime troškova i izdataka po aplikaciji kako je navedeno u tabeli koja je priložena uz Presudu.

Obzirom na navedeno Kanton Sarajevo je, kao nadležni nivo vlasti odgovoran za utvrđene povrede prava aplikanta, dužan da u roku od tri mjeseca od 02.12.2021. godine (dan donošenja Presude) osigura potpuno izvršenje sudskih presuda na čije neizvršenje su se žalili aplikanti u predmetnom slučaju i da u istom roku aplikantima isplati iznose kako je navedeno u tabeli koja je priložena uz Presudu.

Također, Vlada Kantona Sarajevo je od Ustavnog suda Bosne i Hercegovine zaprimila Odluku AP-2524/20 od 09.06.2021. godine kojom je utvrđena povrada prava na pravično suđenje iz člana II/3.e) Ustava Bosne i Hercegovine i člana 6. stav (1) Konvencije zbog neprovođenja Rješenja o izvršenju Općinskog suda u Sarajevu, te se istom odlukom nalaže Vladi Kantona Sarajevo da, u skladu sa navedenom odlukom, odmah poduzme odgovarajuće mjere za provođenje Rješenja o izvršenju Općinskog suda u Sarajevu, te da apelantima J.P, S.J.D, T.P. i E.P. isplati iznos po 300 KM na ime naknade nematerijalne štete zbog neprovođenja Rješenja o izvršenju i to u roku od tri mjeseca od dostavljanja odluke, uz obavezu da nakon isteka ovog roka, plati zakonsku zateznu kamatu na eventualno neisplaćen iznos, te da obavijesti Ustavni sud Bosne i Hercegovine o preduzetim mjerama sa ciljem izvršenja ove odluke.

Ustavni sud Bosne i Hercegovine u navedenoj odluci zaključuje da je neophodno da nadležne vlasti Kantona Sarajevo u cijelosti preuzmu svoju ulogu i uspostave adekvatne mehanizme koji će apelantima i svim imalcima izvršnih sudskih odluka na teret Budžeta Kantona Sarajevo omogućiti da naplate dosudena potraživanja u razumnom roku.

Radi izvršenja svojih Ustavnih obaveza i obaveza iz Konvencije Vlada Kantona Sarajevo je pristupila donošenju

Akcionog plana aktivnosti potrebnih za izvršenje generalnih mjera naloženih Presudom Evropskog suda za ljudska prava u predmetu Omerbašić i drugi protiv Bosne i Hercegovine, Aplikacija broj 4359/19 i 4 druga, mjera naloženih Odlukama Ustavnog suda Bosne i Hercegovine i drugim izvršnim presudama koje se odnose na izvršavanje sa računa Kantona Sarajevo i vremenski okvir za njihovu realizaciju.

Nosioci izrade ovog Akcionog plana su predstavnici Ministarstva finansija Kantona Sarajevo, Ministarstva pravde i uprave Kantona Sarajevo i Pravobranilaštvo Kantona Sarajevo.

II - UKUPAN IZNOS OBAVEZA KANTONA SARAJEVO I UKUPAN BROJ IZVRŠNIH SUDSKIH PRESUDA

Ukupan iznos obaveza Kantona Sarajevo prema dostavljenim i knjigovodstveno evidentiranim rješenjima o izvršenju na dan 31.12.2020. godine iznosi 42.148.736,15 KM.

Navedeni iznos sadrži samo glavnice, a troškovi parničnog i izvršnog postupka se utvrđuju u momentu izvršenja (isplate).

Jedinstvena baza izvršnih sudskih presuda je uspostavljena hronološki prema datumu zaprimanja rješenja o izvršenju kod BBI banke. Jedinstvena baza izvršnih sudskih rješenja se vodi i bilansno u Glavnoj knjizi Trezora, počev od 2015. godine.

Iznos obaveza Kantona Sarajevo po izvršnim sudskim presudama sa kamatama je teško precizno utvrditi jer zavisi od vremenskog period od kojeg je sud presudio da se računa zatezna kamata, kao i broja tražilaca izvršenja koji su spremni na vansudsku nagodbu uz odricanje od naplate kamate.

Ukupan broj izvršnih sudskih presuda protiv Kantona Sarajevo evidentiranih na Glavnom računu Kantona Sarajevo kod Bosna Bank International (BBI banke), sa stanjem na dan 31.12.2020. godine iznosi 12.168 (na jednoj presudi se nalazi jedan ili više tražilaca izvršenja).

U prilogu je lista neizvršenih sudskih presuda sa Glavnog računa Kantona Sarajevo dostavljena Ministarstvu finansija Kantona Sarajevo od strane BBI banke.

**III - USTAVNE I ZAKONSKE NADLEŽNOSTI
KANTONA SARAJEVO**

Evropska konvencija za zaštitu ljudskih prava i osnovnih sloboda je preuzeta u Ustav Bosne i Hercegovine, Ustav Federacije Bosne i Hercegovine i Ustav Kantona Sarajevo.

U Ustavu Bosne i Hercegovine, u članu II tačka 2. propisano je:

"Prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. Ovi akti imaju prioritet nad svim ostalim zakonima."

Ova ustavna odredba je jasno odredila odnos navedenog člana Konvencije i ostalih propisa niže pravne snage pa tako i Zakona o izvršnom postupku Federacije Bosne i Hercegovine kao instrumenta za postupanje u slučajevima dužničko-povjerilačkih odnosa Kantona.

Članom 12. Ustava Kantona Sarajevo utvrđene su sljedeće isključive nadležnosti Kantona Sarajevo:

"Član 12.

Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;

- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zaniranje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima."

Članom 28. Ustava Kantona Sarajevo utvrđene su sljedeće nadležnosti Vlade Kantona Sarajevo:

"Član 28.

- a) provođenje kantonalne politike, predlaganje i izvršavanje zakona i drugih propisa Kantona,
- b) izvršavanje odluka svakog kantonalnog ili federalnog suda i vršenje drugih nadležnosti povjerenih Kantonu od federalne vlasti;
- c) pripremanje i predlaganje budžeta Kantona;
- d) osiguranje suradnje Vlade sa ombudsmenima;
- e) (brisano)
- f) nadziranje kantonalne policije i osiguranje da njen nacionalni sastav odražava nacionalnu strukturu stanovništva na području Kantona, te da nacionalni sastav policije u svakoj općini odgovara nacionalnoj strukturi stanovništva te općine;
- g) obavljanje i drugih poslova utvrđenih Ustavom Federacije, ovim Ustavom i zakonima Kantona."

IV - VISINA I STRUKTURA BUDŽETA KANTONA SARAJEVO

Budžet Kantona Sarajevo za 2021. godinu ("Službene novine Kantona Sarajevo", broj 5/21 i 44/21) iznosi **1.143.627.972 KM**, od toga prihodi od indirektnih i direktnih poreza, taksu i naknada iznosi **780.009.740 KM**, a ostalo su primici od kredita, transfera drugih nivoa vlasti, namjenski prihodi, donacije i dr.

Izvršavajući Ustavne i zakonske obaveze (što je vidljivo i iz tabele koja slijedi), najveći izdaci iz Budžeta za 2021. godinu su planirani za bruto plaće, naknade zaposlenih i doprinose **40,79%**, izdaci za tekuće transfere u iznosu od **9,84%** (najvećim dijelom socijalna izdvajanja, izdvajanja za zdravstvo i obrazovanje, izdvajanja za boračku populaciju, izdaci za privredu), rashodi koji su predmet kreditnog zaduženja (kapitalni projekti i akumulirani deficit) i drugih primitaka **8,77%**, rashodi koji se finansiraju iz sredstava budžetskih korisnika (vlastiti, donacije i transferi) **8,72%**, subvencije javnim preduzećima (u najvećoj mjeri plaće, akumulirani gubici) **8,36%**, rashode koji se finansiraju iz namjenskih sredstava (definisani zakonom) **7,67%**, izdaci za materijalne troškove korisnika budžeta **5,91%**, otplate kredita i kamate **1,93%**, Fond podrške privredi zbog posljedica izazvanih

pandemijom koronavirusa i elementarnim nepogodama (privreda) **1,70%**, vlastita učešća za EBRD kredite i druge kredite **0,35%**, zakonski minimum za izvršenje sudskih presuda (0.3% od ukupnih prihoda) i obavezna tekuća rezerva **0,27%**. Na sva ostala izdvajanja otpada **5,68%** (Ostala kapitalna ulaganja i ostali transferi za sve budžetske korisnike, akumulirani deficit i tekuća rezerva).

Uvažavajući opšteprihvaćene principe koji se odnose na funkcionalnu klasifikaciju u okviru Budžeta Kantona Sarajevo za 2021. godinu, za javni red i sigurnost je planirano **13,20%**, za socijalnu zaštitu **17,02%**, za obrazovanje **36,99%**, za zdravstvo **1,02%** (jer se zdravstvo finansira iz sredstava vanbudžetskog fonda Zavod zdravstvenog osiguranja Kantona Sarajevo), za opšte javne usluge **4,63%**, rekreaciju, kulturu i sport **3,79%**, zaštita životne sredine **4,24%** i drugo.

U Budžetu Kantona Sarajevo za 2021. godinu planirana su sredstva za pokriće deficita (iz budžetskih sredstava) u iznosu **7,5 mil KM**, što predstavlja **0,66%** godišnjeg budžeta i planirana su sredstva za izvršenje sudskih presuda u iznosu **3.129.983 KM**, odnosno **0,3 %** planiranih prihoda, a što će se tražiocima izvršenja po sudskim presudama isplatiti do kraja 2021. godine.

Izvršenje sudskih presuda u Budžetu Kantona Sarajevo planira se na pozicijama akumuliranog deficita i tekuće rezerve. Vlada Kantona Sarajevo iz Budžeta Kantona Sarajevo za 2021. godinu planira zaključiti i izvršiti vansudske nagodbe u iznosu od **6.500.000 KM** u skladu sa planiranim sredstvima na akumuliranom deficitu i tekućoj rezervi.

V - PREGLED IZMIRENIH OBAVEZA KANTONA PO OSNOVU IZVRŠNIH SUDSKIH PRESUDA

Zakonom o izvršnom postupku Federacije BiH ("Službene novine Federacije BiH", broj 32/03, 52/03, 33/06, 39/06 - Ispravka, 39/09, 74/11 - Odluka Ustavnog suda, 35/12, 46/16 i 16/20 - "Službeni glasnik BiH") propisan je postupak izvršenja sudskih presuda u Federaciji BiH.

Iz Budžeta Kantona Sarajevo za period 2010. - 2021. godina za izmirenje obaveza Kantona Sarajevo po osnovu izvršnih sudskih presuda isplaćena su sredstva kako slijedi:

| GODINA IZVRŠENJA SUDSKIH PRESUDA | IZNOS IZVRŠNIH SUDSKIH PRESUDA | |
|---|--|-------------------|
| | Izvršeno u skladu sa Zakonom o izvršnom postupku | Vansudska nagodba |
| 2009. godina | 178.160,66 | 0,00 |
| 2010. godina | 493.656,86 | 0,00 |
| 2011. godina | 3.682.364,36 | 0,00 |
| 2012. godina | 14.241.811,35 | 0,00 |
| 2013. godina | 2.161.007,19 | 0,00 |
| 2014. godina | 0,00 | 0,00 |
| 2015. godina | 0,00 | 2.906.265,97 |
| 2016. godina | 195.270,00 | 7.532.782,17 |
| 2017. godina | 2.331.250,00 | 6.168.893,82 |
| 2018. godina | 2.433.228,00 | 5.827.813,45 |
| 2019. godina | 2.981.000,00 | 2.290.000,00 |
| 2020. godina | 3.072.000,00 | 0,00 |
| 2021. godina | 3.267.686,47 | |
| UKUPNO | 35.037.434,89 | 24.725.755,41 |
| | 59.763.190,30 KM | |

Iz prezentirane tabele evidentno je da je Vlada Kantona Sarajevo u zadnjih pet godina maksimalno pristupila problemu izvršavanja sudskih presuda u granicama realnih mogućnosti, a da se pri tome ne dovede u pitanje izmirenje planiranih redovnih godišnjih obaveza i planiranih izdataka čija struktura je najvećim dijelom definisana Ustavom Kantona Sarajevo, zakonom Federacije BiH i Kantona Sarajevo.

Pored svih poduzetih mjera u pravcu izvršenja sudskih presuda na način da se stvori "pravična ravnoteža" između javnog interesa šire zajednice i poštivanja individualnih

osnovnih ljudskih prava i poštivanja privatne imovine, Kanton Sarajevo nije bio u mogućnosti izvršavati sudske presude u potrebnom i željenom iznosu, iz razloga da se ne bi ugrozila makroekonomska i fiskalna održivost te da se ne bi dovelo u pitanje normalno funkcionisanje Kantona.

VI - PRIJEDLOZI GENERALNIH MJERA ZA IZVRŠENJE SUDSKIH PRESUDA

Poštujući ustavna i zakonska prava tražioca izvršenja po sudskim presudama koje se vode po hronološkom redosljedju zaprimanja na računu Kantona Sarajevo kod BBI banke kao i strukturu izdvajanja sredstava iz Budžeta Kantona Sarajevo i njegovu održivost u budućem periodu, ne ugrožavajući redovnu isplatu plaća i naknada zaposlenim u Kantonu Sarajevo, izmirenje zakonskih obaveza po osnovu prava iz oblasti socijalne zaštite, izmirenje kreditnih obaveza Vlada Kantona Sarajevo je utvrdila slijedeće generalne mjere za izvršenje sudskih presuda:

1. U Budžetu Kantona Sarajevo u slijedećih **PET godina**, počev od 2022. godine **planirati sredstva do 0,8% (po mogućnosti i više)**, od ukupno planiranih prihoda bez primitaka za isplatu izvršnih sudskih presuda koje se vode na računu Kantona Sarajevo, te najkasnije do kraja fiskalne godine sa Glavnog računa Kantona Sarajevo izvršiti isplatu sredstava po hronološkom redosljedju zaprimljenih sudskih odluka, do planiranog iznosa.
2. U Budžetu Kantona Sarajevo u **slijedećih PET godina**, počev od 2022. godine, prema mogućnostima, planirati sredstva za izvršenje sudskih presuda putem javnog poziva, te zaključiti vansudske nagodbe sa tražiocima izvršenja koji bi se odrekli potraživanja po osnovu kamate i dosuđenih troškova postupka iz sudske presude, isplatu glavnice u ratama i dr, te do kraja fiskalne godine izvršiti obaveze po zaključenim vansudskim nagodbama.

VII - IZVORI SREDSTAVA ZA REALIZACIJU AKCIONOG PLANA

Izvori sredstava za realizaciju Akcionog plana planirat će se u Budžetu Kantona Sarajevo, za svaku fiskalnu godinu, u narednih pet godina počev od 2022. godine, u skladu sa procedurama definisanim Zakonom o budžetima u Federaciji BiH ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19).

Generalno posmatrano kao mogući realni izvori sredstava za servisiranje obaveza iz Akcionog plana koji stoje na raspolaganju su uštede na postojećim rashodovnim pozicijama Budžeta, povećanje prihoda od indirektnih i direktnih poreza koji pripadaju Kantonu Sarajevo, te domaćim zaduživanjem.

Ukoliko dođe do najavljene izmjene Zakona o pripadnosti javnih prihoda u Federaciji BiH kojim bi se Kantonu Sarajevo prihodi od indirektnih poreza znatno umanjili u odnosu na stanje u 2021. godini ovaj Akcioni plan ne bi bilo moguće realizovati u predviđenom roku.

VIII - VREMENSKI OKVIR ZA REALIZACIJU MJERA IZ AKCIONOG PLANA

Vlada Kantona Sarajevo će postupiti po Presudi Evropskog suda za ljudska prava u predmetu Omerbašić i drugi protiv Bosne i Hercegovine, ap. broj 4359/19 i 4 druga i u datom roku izvršiti svoje obaveze prema aplikantima.

Vlada Kantona Sarajevo će postupiti po odlukama Ustavnog suda Bosne i Hercegovine kojim je utvrđena povreda prava na pravično suđenje iz člana II/3.e) Ustava Bosne i Hercegovine i člana 6. stav (1) Konvencije zbog neprovođenja

rješenja o izvršenju Općinskog suda u Sarajevu, te apelantima u roku tri mjeseca od dostavljanja odluke isplatiti po 300 KM na ime naknade nematerijalne štete, a izvršenje sudskih presuda će se vršiti u skladu sa ovim Akcionim planom.

Uvažavajući do sada pomenuto, kao i realne fiskalne kapacitete Kantona Sarajevo za tekuću godinu, kao i procjene fiskalnih mogućnosti za naredne godine, Vlada Kantona Sarajevo je utvrdila da je slijedećih **PET GODINA** počev od 2022. godine razuman rok za potpuno izvršenje sudskih presuda koje se nalaze na računu Kantona Sarajevo, odnosno da tražioci izvršenja naplate svoj novac.

IX - POTENCIJALNI RIZICI U SLUČAJU (NE)IZVRŠENJA PRESUDA EVROPSKOG SUDA ZA LJUDSKA PRAVA I NEDONOŠENJE AKCIONOG PLANA

Analizirajući ukupnu problematiku koja se tiče izvršenja sudskih izvršnih presuda sa posebnim akcentom na izvršenje ili neizvršenje Presuda Evropskog suda za ljudska prava i Odluka Ustavnog suda Bosne i Hercegovine, u prvom redu sa stanovišta njihovog obima i rokova izvršenja, evidentno je da se Budžet Kantona Sarajevo dovodi u velika iskušenja i značajne rizike od kojih su najznačajniji sljedeći:

- u slučaju kašnjenja sa isplatom po donesenim presudama za Vladu Kantona Sarajevo nastat će obaveza da na dosuđene iznose plati i običnu kamatu po stopi jednako najnižoj kreditnoj stopi Evropske centralne banke u periodu neplaćanja, uvećanu za tri postotna boda,
- u slučaju izvršenja sudskih odluka nakon donošenja Presude Evropskog suda za ljudska prava, po podnesenim aplikacijama, prema tražiocima izvršenja se na teret Budžeta Kantona Sarajevo stvaraju i dodatne finansijske obaveze po osnovu nematerijalne štete (1.000 eura po aplikantu), te dodatni izdaci na ime troškova i izdataka postupka (250 eura po aplikantu) plus svaki porez koji može biti zaračunat na navedeni iznos,
- u slučaju donošenja odluka Ustavnog suda Bosne i Hercegovine stvaraju se dodatne obaveze iz Budžeta Kantona Sarajevo (svakom apelantu na ime naknade nematerijalne štete zbog neizvršenja rješenja isplaćuje se po 300 KM),
- u slučaju donošenja većeg broja Presuda od strane Evropskog suda za ljudska prava i odluka Ustavnog suda Bosne i Hercegovine i njihovog prioritarnog izvršavanja, za čiju realizaciju je neophodno osigurati milionske iznose, značajno utječe na finansijsku stabilnost Kantona Sarajevo.
- donošenje i izvršavanje navedenih odluka daje podstreka i ostalim tražiocima izvršenja da protiv Kantona Sarajevo podnesu aplikacije Evropskom sudu za ljudska prava, a što ima negativne posljedice po Budžet Kantona Sarajevo.
- eventualno prioritarno izmirenje svih nagomilanih obaveza po osnovu izvršnih sudskih odluka dovelo bi u pitanje redovno izmirenje ostalih ustavnih i zakonskih obaveza i nadležnosti Kantona.
- Kanton Sarajevo prilikom planiranja sredstava za izvršenje sudskih presuda mora voditi računa i o realnom stanju priliva javnih prihoda u Budžet Kantona i o svojim drugim ustavnim i zakonskim obavezama,
- plaćanje obaveza aplikantima u skladu sa presudama Evropskog suda za ljudska prava, prioritarno u odnosu na sve ostale povjerioce Kantona koji čekaju

na naplatu svojih potraživanja te se time narušava hronološki uspostavljen sistem redosljeda naplate potraživanja po osnovu izvršnih sudskih presuda sa Glavnom računom Kantona Sarajevo, kod BBI banke.

X - PRAVNI OSNOV ZA IZRADU AKCIONOG PLANA

Na osnovu Presude Evropskog suda za ljudska prava u predmetu Omerbašić i drugi protiv Bosne i Hercegovine, ap. broj 4359/19 i 4 druga i Odluka Ustavnog suda Bosne i Hercegovine kojim je Vladi Kantona Sarajevo naloženo da apelantima isplati iznose na ime naknade nematerijalne štete zbog neizvršenja rješenja Općinskog suda u Sarajevu i da poduzme mjere za izvršenje sudskih presuda u razumnom roku, Vlada Kantona Sarajevo je donijela Akcioni plan aktivnosti potrebnih za izvršenje generalnih mjera sa vremenskim okvirom za njihovu realizaciju na period od **PET GODINA**, za što će biti potrebno osigurati sredstva za ove namjene u okviru fiskalnog kapaciteta Kantona Sarajevo.

XI - ZAKLJUČAK

Ukoliko se hitno ne poduzmu aktivnosti na obustavljanju donošenja novih presuda Evropskog suda za ljudska prava i odluka Ustavnog suda Bosne i Hercegovine, postoji rizik da u vrlo kratkom roku i drugi tražioci izvršenja po izvršnim sudskim presudama upute apelacije Ustavnom sudu Bosne i Hercegovine i aplikacije Evropskom sudu za ljudska prava, radi naplate svojih potraživanja.

S obzirom da zadnjih nekoliko godina veliki broj tražilaca izvršenja podnosi apelacije Ustavnom sudu BiH i Evropskom sudu za ljudska prava po osnovu izvršnih sudskih presuda na teret Budžeta Kantona Sarajevo očigledno je da bi u slučaju nedonošenja Akcionog plana izvršavanje presuda Evropskog suda za ljudska prava i odluka Ustavnog suda BiH, zahtjevalo osiguranje milionskih sredstava u vrlo kratkom vremenskom roku, čime bi se značajno ugrozio Budžet Kantona Sarajevo, odnosno redovno izmirenje ostalih ustavnih i zakonskih obaveza i nadležnosti Kantona.

Uzimajući u obzir navedene činjenice, te prava apelanata i drugih tražilaca izvršenja, kao i iznos i strukturu izdataka iz Budžeta i njegovu održivost u budućem periodu, Vlada Kantona Sarajevo je donijela ovaj Akcioni plan za izvršenje generalnih mjera prema tražiocima izvršenja po izvršnim sudskim presudama sa računa Kantona Sarajevo, uz odgovarajući vremenski rok za njihovu realizaciju, prihvatljiv za Evropski sud za ljudska prava i Ustavni sud Bosne i Hercegovine.

Broj 02-04-725-8.1/22
13. januara 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 160. vanrednoj sjednici održanoj 20.01.2022. godine, donijela je

ODLUKU O ODOBRAVANJU PRENAMJENE DIJELA SREDSTAVA U OKVIRU PROJEKTA NABAVKA OPREME ZA POTREBE KJKP "RAD" D.O.O. SARAJEVO

I

Odobrava se prenamjena dijela sredstava (za potrebu hitne nabavke goriva) u okviru projekta nabavka opreme za potrebe KJKP "Rad" d.o.o. Sarajevo, prema Molbi KJKP "Rad" d.o.o. Sarajevo, broj 05-648/22 od 12.01.2022. godine.

II

Realizacija hitne nabavke goriva iz tačke I ove odluke finansirat će se iz neutrošenih sredstava doznačenih UNDP-u za realizaciju Projekta "Nabavka opreme KJKP "Rad" d.o.o. Sarajevo.

III

Utrošena sredstva iz tačke II ove odluke KJKP "Rad" d.o.o Sarajevo će refundirati iz vlastitih sredstava, a za potrebe realizacije potpisanog sporazuma za nabavku opreme i to nakon okončane procedure javne nabavke za izbor najpovoljnijeg ponuđača za nabavku goriva koju provodi KJKP "Rad" d.o.o. Sarajevo.

IV

Za realizaciju ove odluke zadužuju se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstvo finansija Kantona Sarajevo i KJKP "Rad" d.o.o. Sarajevo, svako u okviru svoje nadležnosti.

V

Ova odluka stupa na snagu danom donošenja i ista će se objaviti u "Službenim novinama Kantona Sarajevo".

Broj 02-04-1684-2/22
20. januara 2022. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 159. vanrednoj sjednici održanoj 17.01.2022. godine, donijela je

ODLUKU O DAVANJU SAGLASNOSTI JAVNOJ USTANOVI "DJECA SARAJEVA" SARAJEVO ZA ZAPOŠLJAVANJE NA NEODREĐENO VRIJEME

I

Daje se saglasnost Javnoj ustanovi "Djeca Sarajeva" Sarajevo za zapošljavanje ukupno šezdesetjednog (61) odgajatelja na neodređeno vrijeme.

II

Javna ustanova "Djeca Sarajeva" Sarajevo dužna je prijem radnika na neodređeno vrijeme iz tačke I ove odluke izvršiti putem Javnog konkursa i uz obavezno poštivanje procedure propisane zakonom i podzakonskim aktima kojima se reguliše ova oblast.

III

Za realizaciju ove odluke zadužuju se Javna ustanova "Djeca Sarajeva" Sarajevo, Ministarstvo za odgoj i obrazovanje Kantona Sarajevo i Ministarstvo finansija Kantona Sarajevo, svako u okviru svojih nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-1016-1/22
17. januara 2022. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u skladu sa članom 12. Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20, 46/20 i 12/21), Vlada Kantona Sarajevo, na 160. vanrednoj sjednici održanoj 20.01.2022. godine, donijela je